

लाहना

द्वैतसायिक पत्रकारिता, शैल्या आदर्शकता

LAHANA WEEKLY

वा:पो

सा:गु भिंगु मरिचरिया नितिं
लुमंका दिसँ !

लक्ष्मण जमाल 'विलंमि'
प्रोग्राइटर



लाखा छेँ
LAKHA CHHEN

सोहखुटे, वडा नं. १६, येँ, फोन नं.: ४३६०७५८

थुकि दुने



प्रदेश नम्बर १ या नांया सवाल
श्रीकृष्ण महर्जन नेवा: - २



लुमकेमा:म्ह साहित्यकार
मोतिलक्ष्मी उपासिका
सुगतरत्न सिंदुराकार - ३



'वडा विकासया लागि जिं स्वंगू वि'
यात प्राथमिकता बियागु दु
नविन मानन्धर - ६



ब्लोदान
४-५

जनबहालय् प्यंग:थांया इवाता उलेज्या भाषासेवीया हनालिसै संस्कृतियात नं बिचा: याय्त छ्याता

नेपालभाषायात थौंया दितक ह्यगु नितिं आपालं भाषासेवीपिनिगु योगदान दु। मल्लकालय् जुजुपिन्सं हे छ्यलाव:गु भाय्यात राणाकालय् क्वत्यलेगु कुत: या:बलय् मांभाय् ल्यंकेगु नितिं योगदान ब्युपिं साहित्यकार थनथाय् विशेष कथं न्ह्यथनेबह:जू। उगु इलय् नेपालभाषाया उत्थानया नितिं ज्या या:पिं प्यम्हेसित नेपालभाषाया प्यंग: थां धका: हे धयात:गु दु।

नेपालभाषा साहित्यया पुनर्जागरणय् योगदान ब्युपिं पं. निष्ठानन्द बज्राचार्य, मा. जगतसुन्दर मल्ल, महाकवि सिद्धिदास महाजु व कवि योगबिरसिं कसा:यात नेपालभाषाया प्यंग: थां धयात:गु जुल। लिसै भाषानिभा: प्रेम बहादुर कसा:या योगदान नं म्हव: मजू। व्यक:पिनिगु भाषाप्रति योगदान, साधना न्हू पुस्तायात कने आवश्यक जू। थ्व हे ता: तया: येँया जनबहा:या नास: दबुलिइ नेपालभाषाया प्यंग: थालिसै भाषानिभा: कसा:या इवाता दयका: सार्वजनिक या:गु दु। नास: दबू जिर्णोद्धार समितिं वंगु शनिबा: म्वसा: म्व:गु ज्याइवल्य् इवाताया उलेज्या जूगु दु। ज्याइवल्य् जनकवि दुर्गालाल श्रेष्ठ महाकवि सिद्धिदास महाजु, पूर्व उपप्रधानमन्त्री प्रकाशनमान सिंह गद्यगुरु पं. निष्ठानन्द बज्राचार्य, वाग्मती प्रदेशया खानेपानी, सिंचाई तथा उर्जा मन्त्री वसन्त मानन्धर योगवीरसिंह कसा:, येँ महानगरपालिकाया पूर्वमेयर विद्यासुन्दर शाक्य मास्टर जगतसुन्दर



मल्ल व येँ महानगरपालिका २५ वडाया पूर्व वडाअध्यक्ष नीलकाजी शाक्य भाषानिभा: प्रेमबहादुर कसा:या इवाताया अनावरण यानादिल।

वाग्मती प्रदेश सरकारया ग्वहालिइ येँ महानगरपालिका- २५ स्थित जनबहा: केलत्वा:स्थित नास: दबुलिइ उगु इवाता दयका: त:गु ख:। वरिष्ठ मूर्तिकार बालकृष्ण तुलाधरया काय् मूर्तिकार महेश तुलाधर उगु इवाता दय् कूगु ख:। थुगु ज्याया परिकल्पना धा:सा

२५ वडाया पूर्व वडाअध्यक्ष शाक्ययागु ख:। इवाता उलेज्या ज्याइवल्य् थ्यपिं पाहापिन्सं नेपालभाषा साहित्यया पुनर्जागरणकाल व प्यंग:थालिसै मेमेपिं भाषासेवीपिन्त लुमंका: न्ववानादिल। पूर्व उपप्रधानमन्त्री सिंह भाषा साहित्याय न्याम्ह अग्रजया इवाता राणाकालय् नेपालभाषायात जूगु दमन व भाषा साहित्यया उत्थानय् व्यक:पिन्सं यानादीगु योगदानयात न्हू पुस्तां लुमंकातइगु धयादिल। अथे हे, वाग्मती

प्रदेशया मन्त्री मानन्धर नेपालभाषा साहित्यया मूर्धन्य व्यक्तित्वया इवाता येँया नुग:चुइ तय्खना: गौरवया अनुभव जूगु धयादिल। व हे कथं, जनकवि श्रेष्ठ नेपालया भाषा व साहित्यया न्याम्ह महान आत्माया इवाता नेपाल भाषा, साहित्य व नेवा: जातिया उन्मुक्तिया फल बीगु सिमा पी थें जूगु धयादिल।

ज्याइवल्य् आपालं अभियन्ता, कलाकार, जनप्रतिनिधितयगु नं ब्वति दुगु ख:। गुगु ज्या यात, व पक्का बांला:गु ख:। भाषाया उत्थानया नितिं योगदान बियावपिं अग्रजतयगु सम्मानय् सकलें छधी जुइ हे नं मा:। तर, इवाता निर्माणलिसै अन थीथी न्ह्यस:त दंगु दु। इवाता उलेज्या ज्याइव:या मू पाहां कथं पूर्व उपप्रधानमन्त्री सिंहयात स:तगुलिइ नं स्थानीय न्ह्यस: थंगु दु। वाग्मती प्रदेश सांसद वसन्त मानन्धरया सांसद विकास कोष इवाता दयका: नेपालभाषा, नेवा: समुदायया नितिं छुं हे योगदान मडुम्ह सिंहयात छाय् मूपाहां दयकेमा:गु नं धा:गु दुसा थुगु ज्याया ल्यं ७ पेज्य

१९क्व:गु ज्यापु दिवसया पा:ब्व गोफ: त्वा:यात



थुगुसीया ज्यापु दिवस गोफ:त्वा: नाय्भाचौं न्ह्याकीगु जूगु दु। वइगु य:मरि पुन्हिकुन्ह हनीगु भिंगुक्व:गु ज्यापु दिवसया पा:ब्व गोफ:त्वा: नाय्भाचोयात ब्युगु ख:। गुरुपुन्हिया लसताय् ज्यापु संस्कृति विकास कोष या:गु गुरु हना ज्याइवल्य्

भिंगुक्व:गु ज्यापु दिवसया पा:ब्व गोफ: त्वा: नाय्भाचोयात ल:ल्हा:गु ख:। कोषया नाय: मंगलकृष्ण महर्जन व भिन्च्याक्व:गु ज्यापु दिवसया संयोजक गोफ:त्वा: माक:गल्लीया नाय: गोविन्द महर्जन पा:का:गु ख:सा ल्यं ७ पेज्य





नेवा: राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन दने धुन सँन्ध्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वौय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय

नेवा: विस्थापनया चाहना

फुटपाथ पसःया खँ थौकन्ह्य खूब क्वानाच्वंगु दु।
यँ महानगरपालिकां फुटपाथ पसः चीकेगु अभियान न्ह्याकगुलिसें
थुकियात खूब चर्चा परिचर्चा जुयाच्वंगु दु। फुटपाथ पसः चीकेगु
अभियानयात कयाः विशेष यानाः नेवाःतयसं समर्थन यानाच्वंगु दुसा
गुलिं मन्तयसं गरीबतयत ज्या यानाः नकेब्यु धकाः थुकिया विरोध
नं यानाच्वंगु दु। फुटपाथ पसः चीकेगु अभियान व थुकिया विरोधया
दथुइ विरोध याःपिनिगु न्ह्यःने छगू न्ह्यसः दंवःगु दु। नेवाःतयसं
उमित छगू न्ह्यसः तयाच्वंगु दु। 'स्वनिगःयात अव्यवस्थित हे
दयकातयगु चाहना खःला ? कि स्वनिगल्य पिनं वःपिन्त जक थाय्
बियाः नेवाःतयत विस्थापित हे याय्गु योजना खः ?' फुटपाथ
धयागु लँजुवाःतयगु निरति हे खः। थौकन्ह्य लँजु न्यासि वनेत थ्व हे
फुटपाथ पसःया कारणं तसकं थाकु। बछिं मयाक्क फुटपाथ ला व
हे बँ पसलं हे कब्जा यानातइ। अले अनं सामान न्यायत मोलमोलाइ
यानाच्वं पिं ग्राहकं मेगु ल्यं दुगु बछि फुटपाथ कय्च्याइ। धाय्बल्य
लँजुवाःत न्यासि वनेगु गनं ? सडकं न्यासि वने धाःसा मोटर,
मोटरसाइकल ब्वाका हइ, थःगु ज्यानया हे जोखिम। उकथं पसः
तय्के बीमाः, गरीबतयत ज्या यानाः नकेबीमाः धाय्बल्य लँजुवाःत
न्यासि जुइगु गनं धकाः न्ह्यसः दनीगु स्वाभाविक खः।

थन गरीबतयत ज्या यानाः नकेबीमाः धाय्बल्य फुटपाथय
कःनि मीम्हेसिया लय्या आम्रदानी ७५द्वलं मयाक्क दुगु खनेदत। अले
४० लाख त्यासा कयाः छँ दयकागु धाःगु नं न्यनेदत। थन पसः कवः
बालं कयाः कर पुलाः व्यापार व्यवसाय यानाच्वं पिनि ४० लाख
त्यासा कायत थाकु, फुटपाथय कर मपसे ब्यापार याइपिं गरीब
धाःपिन्सं याउँक त्यासा कयाः छँ दयकाः बाः नं नयाः च्वनाच्वंगु खँ
न्यनेबल्य गरीब धयाम्ह सु धकाः हाकनं न्ह्यसः दनीगु स्वाभाविक
हे जुल। उकिया नापं छम्हेसिनं फुटपाथ वा सडकया छूक थाय्
कब्जा याइ। अन छुं ई पसः तइ अले भचा लिपा जुलकि व थाय्
लखौं धेबा सलामी कयाः मेम्हेसित मियाथकी। पसःया बाः पुलेमफु
तर उकथं सलामी बियाः फुटपाथया सार्वजनिक थाय् मी नं ज्यू
खनी, न्याना नं कायफु। हाकनं नं गरीब खःला धकाः न्ह्यसः दनीगु
स्वाभाविक हे जुल।

अनं बँ पसःया समर्थकतय मेगु खँ, चीकेगु मखु, व्यवस्थित
याय्गु, विकल्प बीगु हं। न्हापा नं बँ पसः व्यापारीतयत विकल्प
बियाः भूकूटीमण्डपय् थाय् ब्यूगु खः। हानं मेपिं बँ पसः
व्यापारीत वल, हानं उमित विकल्प माल। उमित खुल्ला मंच
बिल धाय्, हाकनं मेगु पुचलं तिंभ्यः माल धयाहइ। गबलेतक्क
थुकथं विकल्प बियाच्वनेगु व गबलेतक्क गामं वयाः थन फुटपाथ
कब्जा यानाः पसः तःवायच्वनेगु ? म्हिगः सडक मगात धाल,
स्वनिगःमितय् छँ थुनाः सडक विस्तार यात। आः व हे विस्तार
जूगु सडकय् फुटपाथ पसः तल। जिमिगु छँ थुनेमते धाःबल्य
विकास विरोधी, सडक मगात धकाः जिमिगु छँ थुनाः विस्तार
याःगु सडक अथे बँ पसल्यातयत व्यापार यायत बीमते धाःबल्य
गरीबमारा हं। न्ह्यागु जूसां स्वनिगःमि हे जक गलत, व
स्वनिगःमितयसं पिनं वःपिन्त थःगु थाय् त्वःता बियाच्वनेमाःगु
मानसिकतां एकता व सद्भावया सन्देश बीला ? सद्भाव व
एकताया खँ ल्हाइपिन्सं स्वनिगःमिया धाः स्वयम्वाःगु ला ?

प्रदेश नम्बर १ या नांया सवाल



श्रीकृष्ण महर्जन नेवाः

संघीय लोकतान्त्रिक गणतन्त्र
नेपाःया न्ह्यगू प्रदेश मध्ये प्रदेश नम्बर
२ यात मधेस प्रदेश, प्रदेश नम्बर ३
यात वाग्मती प्रदेश, प्रदेश नम्बर ४ यात
गण्डकी प्रदेश, प्रदेश नम्बर ५ यात
लुम्बिनी प्रदेश, प्रदेश नम्बर ६ यात
कर्णाली प्रदेश व प्रदेश नम्बर ७ यात
सुदूरपश्चिम प्रदेश धकाः नां तये धुक्कू
दु। सम्बन्धित प्रदेशया संसदपाखें अथे
नां तयेगु ज्या याःगु खः। न्ह्यगू प्रदेश
मध्ये १ नम्बर प्रदेशया जक नां तयेगु
ल्यंदनि।

छु छु प्रदेशया नां गुगु कथं
वल धइगु सवालयात स्वल धाःसा
मूल रूप प्रमुख राजनीतिक दलया
प्रमुख नेतातयगु आदेश कथं हे
सांसदतयसं नां तयेगु ज्या याःगु दु।
मधेस प्रदेश छगू जक आः तकया दुने
प्रदेश सांसदतयसं पार्टीया गुलिं गुलिं
नेतातयगु अनौपचारिक कथंया हवीप
यात तर्क अस्वीकार याःगु खने दु। मेगु
फुक्क हे प्रदेशया नांया सवाल्य दलया
नेतातयगु हे आदेश कथं जूगु खने दु।

आदिवासी नेवाः व तामाडतयगु
थातथलो जुयाच्वंगु ३ नम्बर प्रदेशया
नां गुगु दिनय तल धकाः स्वयेवं
हे स्पष्ट जुइ कि नेतातयसं गुगु कथं
सोच दयेकाच्वंगु दु धकाः। नेपाःय
एकीकरणया नामय गोरखा राज्यया
विस्तार याना एकल नश्लीय शासन
संचालन याःम्ह पृथ्वीनारायण शाह
धकाः नेपाःया आदिवासी जनजाति
नापं पहिचानवादीतयसं थुइका
वयाच्वंगु दु। पृथ्वी नारायण शाहया
बुदिं धइगु पुष २७ गते खः अले व
हे पुष २७ गतेयात राष्ट्रिय एकता
दिवसया रूपय हनेगु कुतः यानाच्वंगु नं
सकलसिनं थुगु हे खँ खः। आदिवासी
जनजातितयसं उकिया विरोध याना
हाकूगु न्हिया रूपय हना वयाच्वंगु खः।
व हे पृथ्वी जयन्ती व राष्ट्रिय एकता
दिवस धकाः हनेगु कुतः यानाच्वंगु दिं
पुष २७ गते हे लाका २०७६ सालय ३
नम्बर प्रदेशया नां वाग्मती प्रदेश धकाः
तयेगु ज्या याःगु दु। थुगु घटना हे स्पष्ट
जू कि मेगु अधिकारया खँ ला त्वःती
नेवाः नापं आदिवासी जनजातितयसं
नामय जक जूसां नं आःया निरतिं
पहिचान दयेमाः धकाः धायेगु याना
वयाच्वंगुयात म्वाय् चुइकेगु कथं
अबले पुष २७ गते हे वाग्मती प्रदेश
धकाः नां तःगुलिं स्पष्ट जूगु दु।

उगु इलय् नेवाःत नेपाल
मण्डल प्रदेश नां तयेमाः धाईपिं छथ्वः
खःसा मेखे तामाडत नाप जाना नेवाः
ताम्सालिङ प्रदेश नां तयेमाः धकाः
सः थ्वयेका वयाच्वंगु खः। दबाव
मुलक आन्दोलन यानाच्वंगु खः।
सांसदतयसं न्ववानादीगु नं खः। तर
अन्तत नेवाः व तामाडतयगु भावनाया
अःखः अन्तिम इलय् वंगु खने दत

सांसदत। अबले वाग्मती प्रदेश नां
तयेगु सवाल्य काग्रेसया सांसद इन्द्र
वानियाँ तःगु प्रस्तावया पक्षय १०८
मत कुतुं वंगु खः। अबले तत्कालिन
नेपाल कम्युनिष्ट पार्टी (नेकपा)पाखें
तर्क वाग्मती प्रदेश नां तयेगु निरतिं
सांसदतयत निर्देशन बिउगु खः।

प्रदेश संसदाया म्याद आः प्यला
जक ल्यंदनि। मंसीर महिनाय् ला
चुनाव हे यायेगु धयाच्वंगु दु। उकिं थ्व
ई धइगु प्रदेश सांसदतयगु निरतिं अन्तिम
ई जुयाच्वंगु दु। थुगु इलय् पहिचानया
सवालनिसें संघीयतायात कार्यान्वयन



यायेगु सवाल्य गम्भीर जुइ मफत
धाःसा प्रदेश सांसदतयत थीथी कथंया
न्ह्यसः मदिकक वयाच्वनीगु अवस्था
दु। उकिं नं सांसदत नापं दलया नेतात
१ नम्बर प्रदेशया नां तयेगु सवाल्य
हथाय् चयाच्वंगु खः। नां छगू हे तये
मफत धाःसा प्रदेश सांसदत हे असफल
जुल धकाः तायेकीगु संभावना दुगुलिं
सांसदत नं हथाय् चायाच्वंगु दु।
प्रदेशया नां तयेगु सवाल्य १ नम्बर
प्रदेशय दक्विसिगु ध्यान वनाच्वंगु दु।

प्रदेश नं १ दुने दुथ्याःगु जिल्लात
१) ताप्लेजुङ जिल्ला, २) पाँचथर
जिल्ला, ३) इलाम जिल्ला, ४)
संखुवासभा जिल्ला, ५) तेह्रथुम
जिल्ला, ६) धनकुटा जिल्ला, ७)
भोजपुर जिल्ला, ८) खोटाङ जिल्ला, ९)
सोलुखुम्बु जिल्ला, १०) ओखलढुङ्गा
जिल्ला, ११) उदयपुर जिल्ला, १२)
भापा जिल्ला, १३) मोरङ जिल्ला व
१४) सुनसरी जिल्ला खः। थुगु जिल्ला
मूल रूप पृथ्वीनारायण शाह नं गोरखा
राज्य विस्तार याये न्ह्यः लिम्बु व
खम्बुतयगु लाग्ना खः। व धइगु किरात
आदिवासीतयगु खः। थुगु लाग्ना नां
आः छु तयेगु धइगु सवाल तसकं बहस
जुयाच्वंगु दु।


प्रमुख राजनीतिक दलया
प्रमुख नेतातयगु चाहाना धइगु मूल
रूप सगरमाथा, कोसी, सप्तकोशी
थेंजाःगु नां तयेगु योजना सहित न्ह्याः
वनाच्वंगु दु। तर व हे पार्टीया
पहिचानवादी कार्यकर्तात धाःसा
भूगोल बाय् खुसि नापं पहाडया नामं
नां मतसे अनया आदिवासीतयगु नामं
नां तयेमाः धकाः धायेगु यानाच्वंगु
दु। अथे हे पहिचानवादी थीथी
जातीय नापं सामाजिक संस्थातपाखें
पहिचानया आधारय हे नां तयेमाः
धकाः दबाव बिइगु ज्या यानाच्वंगु
दु। पहिचानवादीतयसं मूल रूप
१) लिम्बुवान-किरात, २) किरात-
लिम्बुवान-खम्बुवान बाय् ३) किरात
प्रदेश धकाः नां तयेमाःगु माग याना

वयाच्वंगु दु। पहिचानवादीतयसं
थःथःपिं थःथःगु हे कथं न्ह्याः
वनाच्वंगु नं दु। गुलिं गुलिं मंकाः
कथं नं न्ह्याः वनाच्वंगु दु। म्हिगः २
नम्बर प्रदेशया नां तयेगु इलय् नेवाःत
गुगु कथं न्ह्याः वन उगु हे कथं आः
१ नम्बर प्रदेशया पहिचानवादीत एक
मत जुया वने फयाच्वंगु म्दु। अयुनं
साभा सवाल छगू मत किरात खँवःया
सवाल्य जक जुयाच्वंगु दु। किरात
नापं मेगु खँवःया सवाल्य ब्यागलं
ब्यागलं कथंया मत दु। आदिवासी
जनजाति महासंघं लिम्बुवान-

किरात धयाच्वंगु दुसा किरात
राई यासोख्खापाखें किरात नां तयेमाः
धयाच्वंगु दु। छगू कथं लिम्बुवानया
सवालयात कया अस्वीकार यानाच्वंगु
थें खने दु। लिम्बुवान धइगु नेपाःया
पहिचानवादी आन्दोलनय् छगू सशक्त
कथंया भूमिका म्हितूगु थाय् खः
अनयापिं लिम्बुत खः। उकिं
नांया सवाल्य पहिचानवादीतयत
तर्क राजनीतिक दलया नेतातयसं
म्हितकेगु अले विभाजन याना शासन
यायेगु नीति ज्वंगु जकं मखुला धकाः
न्ह्यसः ब्वलना वःगु दु।

थ्व इलय् पहिचानवादीतयसं
फत धाःसा पहिचानया आधारय
लिम्बुवान-खम्बुवान-किरात खँवः
हे स्वाकाः कन्ह्य वना ब्यागलं
ब्यागलं कथंया प्रदेश निर्माण
यायेगु लँपु ज्यायेत अःपुक नां तयेगु
योजना दयेका वनेमाः। भूगोल वा
खुसिया नां तइगु खःसा उकियात
अस्वीकार याना आः नं १ नम्बर
प्रदेश धकाः नां दुगुलिं उकियात
यथावत याना वन धाःसा कन्ह्य वना
लँपु चायेकेत अपुइ। रणनीतिक रूपं
पहिचानया निरतिं भूमिका म्हितेगु ज्या
आः पहिचानवादीतयसं यायेमाःगु दु।
उकिया निरतिं ब्याकप रूपं सर सल्लाह
याना वनेमाः। नेपाःया आदिवासी
जनजातितयगु मंकाःगु संगठन नेपाल
आदिवासी जनजाति महासंघं तर्क थ्व
इलय् गम्भीर रूपं कायेमाःगु ई वःगु
दु। अनया आदिवासीतयगु पहिचानया
आधारय नां तयेगु अले मफत धाःसा
१ नम्बर प्रदेश हे धकाः नां तयेगु ज्या
यायेगु धइगु छगू कथं पहिचानवादी
आन्दोलनया निरतिं पुसा पिइगु कथंया
ज्या नं जुइफु। उकिं थौया इलय् १
नम्बर प्रदेशया नांया सवाल्य दक्ले
अप्वः अनया आदिवासीत सक्रिय
जुइमाः अले सचेत जुइमा। अनं
लिपा देय्कन्यंकाया आदिवासी नापं
पहिचानवादीत सचेत व सक्रिय
जुइमाःगु अवस्था दु।





हरिशंकर नारायण

किपा : दिव्य रत्न महर्जन

हनुना

२०७० श्रावण ३, संजालवा:

वडा विकासया लागि जिं स्वंगू 'वि' यात प्राथमिकता बियागु दु

श्वयां न्हयः जिं न्यादँ वडाया नेतृत्व याय्गु ह्वःताः चूलाकेधुन । आःया कार्यकाल जिं स्वंगू "वि" यात प्राथमिकता बियाः ज्या याय् । न्हापांगु 'वि' विश्वास खःसा निगुगु विचार वं स्वंगुगु वि धयागु विकास खः । जिं चुनाव प्रचारया इवल्य हे वडाबासीयात जिं न्यादँ वडा न्हयाकागु हुनिं जितः विश्वास यानादिसेँ, छिकपिनिगु विश्वासयात जिं घात याय्मखु धयागु खः ।

(वंगु बैसाख ३० गते क्वचाःगु स्थानीय तहया निर्वाचनय् यँ महानगरपालिका १७ वडाया निर्वाचित वडा अध्यक्ष नविन मानन्धर आः यँ महानगरपालिकाया प्रवक्ता नं चयन जूगु दु । वय्कःलिसे वय्कःया योजना अले वर्तमान समस्याया सम्बन्धय् लहना वाःपौया सम्वाददातां याःगु खँलाबल्हा थन न्हयब्वयाच्चन - सं.)

☞ छिं थःगु जीतयात गुगु रुपं कयादियागु दु ?

जिं थुकियात जीत धाय्मखु । वास्तवय् थ्व छगू सहकार्य खः । चुनावया दलतय् दथुइ धेधे बल्लाः जुइ । उकी भचा अप्वः मत जिं अप्वः काय्फत । व कथं जिं नेतृत्व जक कयागु खः । सकसिनं थःथःगु बिचाः कथं वडा विकास याय्त धकाः विकास याइम्ह व्यक्तित्व ल्यःगु दु । उकियात सम्बोधन याइम्ह मनू जि जूगु हुनिं नेतृत्व जक जिं कयागु खः, सकसिगु जित खः ।

☞ थव कार्यकालय् छिं गुकथं ज्या न्हयाकेगु बिचाः यानादियागु दु ?

श्वयां न्हयः जिं न्यादँ वडाया नेतृत्व याय्गु ह्वःताः चूलाकेधुन । आःया कार्यकाल जिं स्वंगू "वि" यात प्राथमिकता बियाः ज्या याय् । न्हापांगु 'वि' विश्वास खःसा निगुगु विचार वं स्वंगुगु वि धयागु विकास खः । जिं चुनाव प्रचारया इवल्य हे वडाबासीयात जिं न्यादँ वडा न्हयाकागु हुनिं जितः विश्वास यानादिसेँ, छिकपिनिगु विश्वासयात जिं घात याय्मखु धयागु खः । अथे हे, विचार । वडाबासीलिसे सहकार्य यानाः वय्कःपिनिगु नं बिचाः मुंकाः जिं छगू विचार दय्के । थुकथं दय्कागु मंकाः विचारं वडाया विकास याय् धयागु खः । विकास नं आः वैज्ञानिकरुपं जुइमाः धयागु खः । मिह्याःया ज्याखँपाखें भीसं पाठ

सय्काः ह्युपाः ह्युमाः ।

☞ वडाया विकासया लागि छिं गज्याःगु पहल यानादी ?

भीसं सांस्कृतिक सम्पदायात ल्यंकाः उकिया छ्यलाबुलायात नं प्रोत्साहित याय्माः । सकसिनं अनुभुत याइगु कथं उकी ह्युपाः ह्यु हे माः । श्वलिसेँ उसाँय व शिक्षायात नं महत्व बी । स्वास्थ्य व शिक्षा मदय्कं भी न्हयःने वने फइ हे मखु ।

☞ स्वास्थ्य क्षेत्रया लागि छिं गज्याःगु योजना दु ?

स्वास्थ्यया विषयस भीसं कोरोना संक्रमणया इलय् खनेधुनागु दु, स्वास्थ्य शिक्षा क्षेत्रय् नं लिच्चः लाकी । स्वास्थ्यया लागि वडाया क्षेत्रपाटि निःशुल्क चिकित्सालय दु । व चिकित्सालयलिसे समन्वय यानाः चिकित्सालय नं समृद्ध जुइगु कथं विपन्न अले असहायया लागि १ करोडया अक्षयकोष नीस्वनेगु आज्जु कयागु दु । स्वास्थ्यय् निःशुल्क उपचारया लागि व्यवस्था याय् । चिकित्सालयया आय आर्जनया श्रोत मदुगुलिं थुकियात न्हयाकेत सहजताया लागि नं कोषया आवश्यकता दुगु महसुस यानागु दु ।

☞ शिक्षा क्षेत्रया लागि गज्याःगु योजना दय्कादियागु दु ?

शिक्षाया खँय जःलाखला देशय् अरविन्द केजरीवालया नीतिया नं अध्ययन यानाच्चनागु दु । वडाया १८ स्कूलत दु । व मध्ये प्यंगू सामुदायिक व १४ नीजि क्षेत्रया दु । नीजि स्कूलतय्सं थःगु तगिमं गुणस्तरीय शिक्षा बियाच्चंगु दु । वडाया सामुदायिक स्कूल नं समृद्ध दय्केकमानि । अनया भौतिक पूर्वधार विकासलिसेँ निःशुल्क गुणस्तरीय शिक्षाया लागि पहल याय् । निजी स्कूललिसे धेधे बल्लाः याय् फइ कथं सामुदायिक ब्वनेक्या क्षमता अभिवृद्धि

याय् । विद्यार्थीया न्यूनतम आवश्यकता पूर्वकेगुलिसेँ शिक्षकतय् थप तालिम बियाः गुणस्तरीय शिक्षा बीगु नितिं ज्या यानाच्चनागु दु । व हे कथं कन्या मन्दिर भौतिक रुपं सबल जुइधुकल सा शान्ति शिक्षा नं एडीबीया ग्वहालिं बांलाःगु स्कूल जुइधुकल । मेगु राष्ट्रिय तारा व वालबिकासया नं पहल याय् ।

☞ वडाबासीतय् आर्थिक विकासया लागि छिं गज्याःगु योजना दु ?

आर्थिक विकासया लागि युवा स्वरोजगारया तालिम बी । वय्कःपिन्त छँय हे च्वनाः याय्फइगु घरेलु ज्याया तालिम बी । चिचीधंगु ज्या यानाः घरेलु आवश्यकता पुर्ति याय्फइ धकाः मिह्याःया दिनय् नं तालिम बियागु खः । लाकां, लं सुइगु, अचार, मैनवति दय्केगु तालिम बियाः छँया आवश्यकता पूर्तिया लागि ज्या याय् फइ धकाः तालिम बियागु दु । आःया अवस्थाय् युवातय् शिक्षा अनुशासनया तालिम बियाः प्राप्त शिक्षां आर्थिक आर्जन याय्फयमा धकाः तालिमय् विशेष ध्यान बियागु दु ।

☞ थनया भौतिक पूर्वाधार विकासया नितिं छु छु यानादी ?

भौतिक पूर्वाधार विकासया लागि सडक व पार्कया निर्माण अले सुदृढिकरण हे खः । कोर सिटि दुने सहर सुधारया ज्या जुइधुकुगु दुसा धः दय्केत पूर्णरुपं जायधुनागु दु । खाली थासय् पार्कया रुपं विकास यानागु दुसा खुसिबुं अलग लाःगु थाय् खः । खुसिबुं च्वनेत पायक थाय्या रुपं दय्के । अन दक्कं सडक हाकुपत्रे याय्गुलिसेँ त्वनेगु लःया व्यवस्था याय् । विष्णुमति किनारयात पार्कया रुपं हिले । प्रत्येक त्वाः म्हासीके फइ कथं ध्वाखा दय्के । दसु कथं वडा ज्याक् लिवक थौकन्हय् धोविचोर धाइगु थासय् ध्वाखा दय्काः अन भीपंखा धकाः नां तयागु दु । व अनया मौलिक नां खः । बसोबास दुगु क्षेत्र म्हासीगु कथं नां तय्गु जुइ ।

☞ दकले लिपा, लहना वाःपौया ब्वंमितय् छु हसना बियादी ?

जिपिं जनप्रतिनिधित सुं हाकनं वःगु दु, सुं न्हीपं वःगु दु । सकसिगु आज्जु धइगु जनसेवा हे खः । सेवा यायां विश्वासलिसेँ न्ह्याःवनेमाः । सुनां त्याग याइ, वं कन्हय्या दिनय् थप जिम्मेवारी काइ । जिपिं छिकपिनिगु ज्या याय्त न्ह्याबले तत्पर जुयाच्चने ।



नविन मानन्धर

वडा अध्यक्ष, काठमाडौं महानगरपालिका १७ वडा



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

- (क) व्यापारी त्यासा
- (ख) हायरपचेज त्यासा
- (ग) आवासीय त्यासा



(घ) शेयर त्यासा

(ङ) मुद्दती रसिद धितो त्यासा

(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछँ, पाको, न्हूसतक, यँ, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

‘छंगु जिगु मतिना’या लुभुइ पितव्वज्या



ख्यलय न्ययुदँ बिते यानादीधुंकुम्ह पुलांम्ह कलाकःमि पवन जोशी थःम्ह हे च्वयादीगु म्येयाबारे न्ववासें पवन जोशीया सकृयताया प्रशंसा यानादिल । कृष्ण महर्जन व सरस्वति मानन्धरं हालातःगु म्येय अमर शाक्य व दिशमा श्रेष्ठ शाक्य अभिनय यानादीगु दुसा कोरियोग्राफि व समाः उमिशा पाण्डे यानादीगु खः ।

कृष्णभक्त श्रेष्ठ केबिएस लुभुया परिकल्पनाय तयार जगु म्येया सम्पादन व निर्देशन शैलेश श्रेष्ठ यानादीगु दु । म्येय अनिल तुलाधरं लय बियादीगु खः ।

म्युजिक भिडियो पितव्वज्याय प्रकाशदिप श्रेष्ठ, निर्देशक बाशु शाहीया नं विशेष उपस्थिति दुगु खः ।

नेवाः सकिपा व कलाकारिता ख्यलय लोकहंवाःम्ह पवन जोशीया निर्देशनय ‘छंगु जिगु मतिना’ बोलया म्येया म्युजिक भिडियो पितव्वया जगु दु । यलया सांस्कृतिक नगर

लुभुइ शुटिङ्ग जगु म्युजिक भिडियोया नेपालभाषाया न्हापांम्ह म्युजिक भिडियो निर्देशक विजयरत्न असंबरे पितव्वज्या यानादीगु खः । म्युजिक भिडियो पितव्वज्या धुंकाः असंबरे सकिपा व कलाकारिता

नेवाः कलाकार फुटसल कासा जुइगु

एम्स इन्टरटेन्टमेन्टया ग्वसालय वइगु भदौ १८ गते शनिबाःकुन्हु कलाकार फुटसल कासा जुइगु जगु दु । वंगु शनिबाः मच्छेगामय पत्रकार सम्मेलन यासें एम्स नेवाः कलाकार फुटसलया घोषणा याःगु खः ।

कासाय नेवाः सकिपा व संगीत ख्यःया आपालं कलाकःमिपिनिगु ब्वति दइगु ग्वसाः खलकं जानकारी ब्यूगु दु ।

ज्याइवल्य एम्सया कोषाध्यक्ष बुद्ध लक्ष्मी अनु महर्जनं प्रेस विज्ञापित ब्वनाः न्यंकादीगु खः ।

उगु हे पत्रकार सम्मेलनय उसांय मद्याच्चंम्ह संगीतकःमि सुमन कपालीलिसें म्युजिक भिडियो व शर्टीफिल्म निर्देशक सुजन बज्राचार्ययात एम्सपाखे ह्मतिं भिद्धः तकाया आर्थिक



गवाहालिया नं घोषणा याःगु खः । फुटसल कासाया कजि राजी किपू एम्सया नायः सुरेन्द्र महर्जनं फुटसल कासायाबारे जानकारी बियादीगु खः ।

पत्रकार सम्मेलनय नेपालभाषाया न्हापांम्ह सकिपा पत्रकार विजयरत्न असंबरे थःथःगु ख्यलं

थीथी कथं योगदान बियावःपिं कलाकःमिपिनिगु निर्मितं माःबलय माःकथं गवाहालि यायगु आज्जु ज्वनाः न्ह्याःवनाच्वंगु एम्सया पलाःयात च्वछासे कलाकःमि दथुइ थवंथवय सहलह ब्याकेगु निर्मितं थजाःगु फुटसल कासा बांलाःगु माध्यम खःगु धयादिल ।

द व ९ कक्षाय भाषाया पाठ्यक्रम दय्केत सहलह

नेवाः लिसें तामाड समुदायपाखे गंगू व भिङ्गू तगिमय भाषानाप ऐच्छिक विषय दुने कम्प्युटर व गणित चीकेत नेपाल सरकारयात माग याःगु दु ।

नेवाः देय् दबू व नेपाल तामाड घेदुडया प्रतिनिधि मण्डलं नेपाल सरकार शिक्षा विज्ञान तथा प्राविधिक मन्त्रालय पाठ्यक्रम विकास केन्द्रया महानिर्देशक अणप्रसाद न्यौपानेयात नापलानाः थथे माग याःगु खः । उगु इलय महानिर्देशक न्यौपाने ऐच्छिक विषय दुने भाषा जक

दुथ्याकाः ब्यागलं कथंया पुचः दय्केत मन्त्रपरिषद हे निर्णय याय्माःगु धासें पाठ्यक्रम विकास केन्द्रपाखे थुकी निर्णय याय् मफइगु धयादीगु खः ।

महानिर्देशक नापलायगु निर्मितं देय् दबू स्वनिगः विशेष प्रदेशया अध्यक्ष श्रीकृष्ण महर्जन, छ्याञ्जे हरिबहादुर श्रेष्ठ, ख्वप जिल्लाया अध्यक्ष नरेश नेवाः, छ्याञ्जे जीवनपति श्रेष्ठ, मध्यपुर थिमि नगर समितिया अध्यक्ष बाबुकाजि साःछै

श्रेष्ठ, नेवाः शिक्षा गुथिया कजि विष्णु चित्रकार, विद्या चित्रकार, नेवाः वस्ती नेवाः स्कूल अभियानया संयोजक दिपक तुलाधर, नेवाः जागरण मञ्चया नायः सुजीव बज्राचार्यलिसें नेपाल तामाड घेदुडया उपमहासचिव जगत दोड, छ्याञ्जे विना तामाडलिसें घेदुडया थीथी प्रतिनिधित वंगु खः । थ्व स्वयां न्हयः थ्व हे माग तसें प्रतिनिधि मण्डलं शिक्षामन्त्री देवेन्द्र पौडेलयात नं नापलानाः ज्ञापनपौ लःल्हाःगु खः ।

स्वतन्त्र व शोभाया म्युजिक भिडियो पिदन

शारिरीक अस्वस्थताया कारण ताः ई न्हयःनिसें क्यामेराय खनेमद्याच्चंम्ह कलाकार स्वतन्त्र संसार महर्जन हाकनं क्यामेरा न्हयःने वःगु दु ।

कलाकार महर्जनलिसें शोभा महर्जन अभिनय यानातःगु ‘नजाउ टाढा क्षितिजमा’ बोलया म्येया न्ह्यु म्युजिक भिडियो पिहांवःगु दु ।

संसार अनलाइन टेलिभिजनया निर्मित संसार क्रियशन्स नेपालपाखे निर्माण याःगु म्युजिक भिडियोया

किपुलिइ जगु छू ज्याइवःया दथुइ पितव्वज्या जुल ।

म्युजिक भिडियो दुने स्वतन्त्रया हे काय भाजु सम्बत संसार महर्जनया न बाल कलाकारया रूपय् छू रोल तयातःगु दु ।

मलेशियाय च्वनावःम्ह दिपक बिबश आसुं च्वयादीगु म्येय कल्पना श्रेष्ठ सः बियादीगु दुसा म्येया संगीतकार मन्जु नकर्मा व संगीत संयोजक बुद्ध साय्मि खः ।

म्युजिक भिडियोया छायाङ्कन

व एडिट सोहन मानन्धरं यानादीग दु । गोदावरी नगरपालिकाया मेयर गजेन्द्र महर्जनया नं उपस्थिती दुगु ज्याइवः संसार क्रियशन्सया हामा स्वतन्त्र संसार महर्जनया सभाध्यक्षताय जगु खः ।

उगु हे ज्याइवल्य संसार अनलाइन टेलिभिजनया निर्मित संसार क्रियशन्स नेपाल निर्माण याःगु वेब सिरिज “सौभाग्य”या प्रोमोया नं पितव्वज्या जगु खः ।

उगु वेबसिरिज श्रावण ६ गते निसें क्यानेज्या न्ह्याइगु धाःगु दु ।

बाजं गुरुपिन्त सम्मान



स्वनिगःया संस्कृति संरक्षणया निर्मित निरन्तर रुपं योगदान बियावयाचर्वापिं बाजं गुरुपिन्त सम्मान याःगु दु । ज्यापु समाज यलया ग्वसालय गुरुपुन्हिकुन्हु यलया परम्परागत पीगू त्वाःया दाफा म्ये गुरु लिसें खिं, धिमे, बाँसुरी, काःबाजं, दहः, कान्ता डबडब, ढोलकया यानाः २५०म्ह गुरुपिन्त हंगु खः ।

यलय जगु ज्याइवल्य संस्कृति, पर्यटन तथा नागरिक उड्डयनमन्त्री जीवनराम श्रेष्ठ, समाजया नायः तीर्थलाल महर्जन सम्मानित गुरुपिन्त दसिपौ लःल्हानादीगु खः । सम्मानित जूपिन्त बेताली चिकेगुलिसें तवः तपुलिं पुकाः, ख्ये सगं बियाः हंगु खः ।

ज्याइवल्य नवनिद्युक्त संस्कृति, पर्यटन तथा नागरिक उड्डयन मन्त्री जीवनराम श्रेष्ठ व नकातिनि प्रहरी नायब महानिरीक्षकय बढुवा जूम्ह यलया म्थ्यायमचा किरण वज्राचार्ययात नं ख्ये सगं बियाः सम्मान याःगु खः । समाजया नायः महर्जन कार्यकाल सुथां लाक्क न्ह्याय्माः धकाः कामना यासें दसिपौ नं लःल्हानादीगु खः ।

समाजया वरिष्ठ न्वकू सन्तमान महर्जन लसकुस यानादीगु ज्याइवल्य यल महानगरपालिकाया कार्यवाहक मेयर मञ्जली शाक्य, यल जिल्लाया सिडिओ, समाजया पुलापिं नायःलिसें पीगुलिं त्वाःया ज्यापु समुदायया तःधंगु उपस्थिति दुगु खः ।

जनबहालय ...

परिकल्पनाकार नीलकाजि शाक्य थःगु पार्टीगत स्वार्थ हे काँग्रेसया मनु मूपाहां दय्कूगु द्वपं नं ब्यूगु दु । थ्व विषयया नापनापं इवाताया उलेज्यालिसें छू गम्भीर विषय नं दंगु दु । व खः, दबूलिसे स्वानाच्वंगु परम्परा ।

थुगु नासः दबूया स्वापू केल्ताःस्थित लुँचुभुल अजिमालिसे दुगु धाःगु दु । पाहांचःन्हेया दिनय लुँचुभुल अजिमाया खः जात्रा यानाः थन दबुलिइ हे खः दिक्केमाःगु परम्परा न्हापा दुगु खः । लिसें अन बलिसेमेत बियाः अजिमाया पूजा याय्माःगु खः । थौंकन्हय् थुगु परम्परा न्ह्यानाच्वंगु खनेमदु । तर व परम्परा नं नेवाः म्हसीकालिसे हे स्वानाच्वंगु जुल । दिनावंगु परम्परायात म्वाकेगु नं जनप्रतिनिधिया हे कर्तव्य खत सा आः थन इवाता थनेधुंकाः आः उगु परम्परा गबले हे न्ह्याइमखुत ला धइगु चिन्ता नं गुथियाःतयसं प्वकाहःगु दु । सकसिनं भाषा, साहित्यया उत्थानया खँ ल्हानावन, तर दबूया ईतिहास व परम्परायात सुनां वास्ता मयाः धकाः नं गुथियाःतयसं नुगलय स्याकूगु दु ।

गुगु ज्या जुल, व च्वछायबहःगु ज्या खः । नेपालभाषाया प्यंगःथांया ईतिहासयात म्वाकातय्माः । वय्कःपिनिगु योगदानया बारे न्हू पुस्तायात कनेमाः । अनं इवाता लिकाय्माः धकाः ला सुं नं नेवालं धाइमखु । तर दबूलिसे स्वानाच्वंगु परम्पराया बारे नं बिचाः याय्माःगु खनेदु ।

१९क्वःगु...

त्वाःया नायः पञ्चनारायण महर्जनयात पाःब्वया दसिपौ व छू लाख तका लःल्हाःगु खः ।

उगु हे ज्याइवल्य कोष यैया परम्परागत ६३गू त्वाःया बाजं गुरुपिन्त हंगु दु । येँ महानगरपालिकाया मेयर बालेन्द्र साहया उपस्थितीइ जगु ज्याइवल्य गुरुपिन्त हाकु तपुलिं पुइकाः ख्ये सगं बियाः हंगु खः । नापं ६३गुलिं त्वाःयात बाजं न्यायगु निर्मित म्हातिं भिद्धः भिद्धः तकाया चेक नं लःल्हाःगु खः ।

उगु हे ज्याइवल्य स्थानीय चुनावय येँ महानगरपालिकाय त्यानावःपिं ज्यापु जनप्रतिनिधितयत नं हंगु खः ।

ज्याइवल्य न्ववासें येँ महानगरपालिकाया मेयर साहं थः महानगरया मेयर जुयाः वय्धुंकाः थनया फुक्क संस्कृतियात नालाक्यागु धासें आः थः नं बालेन्द्र साह महर्जन जुइधुनागु धयादीगु खः ।

कोषया न्वकू सन्त महर्जन लसकुस याःगु ज्याइवल्य कोषया नायः महर्जन येँ महानगरपालिका थुगुसीया बजेटय कोषया छँ दनेगु निर्मित छगुत्या करोड दां विनियोजन यानाब्यूगु जानकारी बिसें महानगरपालिकायात सुभाय ब्यूगु खः ।

ज्याइवल्य ज्यापु महागुथि केन्द्रीय समितिया नायः राजभाई जकःमि, विकास कोषया संस्थापक प्रचण्डमान बज्राचार्य, भिर्च्याक्वःगु ज्यापु दिवसया संयोजक गोविन्द महर्जनलिसें नं भिंतुना न्वचु ब्यूगु खः ।

हरेक मंगलवार

राष्ट्रियताको लागि समर्पित

मेरो साप्ताहिक

मन्त्र साप्ताहिक Mero Saptahik

मालाः मालाः ब्वनादिसें ।

क्वहितिङ्ग कीर्तिपुण्य महाविहारया आगच्छँ उलेज्या



यै महानगरपालिका वडा नं. २० क्वहितिस्थित कीर्तिपुण्य महाविहारया पुनर्निर्माण क्वचाःगु आगच्छँया उलेज्या जूगु दु ।

यै महानगरपालिकाया उपप्रमुख

सुनिता डंगोल महाविहार सर्वसंघया आगच्छँया उलेज्या यानादिल ।

उगु हे ज्याङ्गल्य उपप्रमुख डंगोल आगच्छँया नितिं थीथी कथं ग्वाहालि याःपिंत हना नं दीगु खः ।

ज्याङ्गल्य न्वासें मूपाहां महानगर उपप्रमुख डंगोल नेवाः संस्कृति, परम्परायात न्हू पुस्तायात हस्तान्तरण यानाः इमित उकिया महत्व नं बांलाक थुइका वनेमाःगु धयादिल ।

महाविहारया सर्वसंघया नायः आनन्दरत्न शाक्यया सभापतित्वय् जूगु ज्याङ्गल्य यै महानगरपालिकाया निवर्तमान प्रमुख विद्यासुन्दर शाक्य, शाक्य महाविहार संघया नायः शुभकाजी शाक्य, शाक्य फाउण्डेसनया नायः राजकाजी शाक्य, गुंला बाजं व्यवस्थापन तथा संरक्षण संघया नायः अमिरमान शाक्य, हनुमानध्वाखा दरवार संरक्षण कार्यक्रमया प्रमुख रोशन शाक्य सम्पदाया महत्व व उकिया संरक्षणया थीथी पक्षयात कयाः नुगःखँ तयादीगु खः ।

ब्वनेकुथियात आर्थिक ग्वाहालि



यै महानगरपालिका जगतसुन्दर ब्वनेकुथिया पूर्वाधार स्तरोन्नतिया नितिं पीन्यागू लख बराबरया आर्थिक ग्वाहालि याःगु दु । लायन्स क्लब अफ काठमाडौं हारतिमाताया समन्वयय् यै महानगरपालिका उगु आर्थिक ग्वाहालि याःगु खः । ब्वनेकुथिङ्ग ट्रष्ट तय्त, क्वथा थप याय्त, फर्निचर, कार्पेट, पर्दालिसें विद्यालय भवन मर्मत सम्भारया नितिं ४५ गू लख ग्वाहालि याःगु खः । क्लबया हे समन्वयय् यै महानगर थगुने नं आर्थिक ग्वाहालि याःगु खः । थगुने ब्वनेकुथिया नितिं नीगू लख आर्थिक ग्वाहालि याःगु खः । विद्यालय संचालक समितिया नायः डा. चुन्दा वज्राचार्य लसकुस

यानादीगु ज्याङ्गल्य लायन्स क्लब अफ इन्टरनेशनल डिष्ट्रिक्ट गभर्नर दिनेशप्रसाद श्रेष्ठ संस्था नेपाःया शिक्षा ख्यलय् आवश्यकता कथं ग्वाहालि यानावयागु जानकारी बियादीगु खः । लायन्स क्लब काठमाडौं हारतिमाताया नायः अशोकमान महर्जन 'छगू लायन्स क्लब, छगू विद्यालय ग्वाहालि' ज्याङ्गः न्ह्याकावयागु जानकारी बियादिल । यै महानगरया निर्देशकलिसें वित्त विभाग प्रमुख बुद्धरत्न मानन्धर, ब्वनेकुथिया संस्थापक नाप कोषाध्यक्ष अनाररत्न वज्राचार्य नं नुगःखँ तयादीगु ज्याङ्गल्य लायन्स क्लबलिसें ग्वाहालि याःपिंत ब्वनेकुथि लुमन्तिं चिं व सुभाय् पौ लःल्हाःगु खः ।

सपलब सुने सामानहरू डेरी, मासु, बेकरी उद्योगकालागि चाहिने उपकरणहरू, प्याकिङ्ग मेसिन, प्याकिङ्ग मेटेरियलहरू, विविध केमिहलहरू तथा विविध औद्योगिक उपकरणहरू ।

म्याकुम प्याकिङ्ग मेसिन **मिलिकङ्ग मेसिन** **जटिलेभिल विगत फलकदार डेड सेकिंग उपकरण**

मिल्क स्थान **क्रिम सेपरेटर मेसिन** **प्लेट मिलर**

श्रेष्ठ ट्रेड मेडिया

श्री लाल मवन, १३ टंकरेवर (छाउनी जाने बिष्णुमति फूलसंगै), काठमाडौं । फोन : ८२७०६८४/९८५१०८८५२
Email: laltc@wlink.com.np, lal265shrestha@gmail.com, laltc@hotmail.com
A House of Dairy Equipment & Chemicals
साना डेरी उद्योग संचालन गर्न आवश्यक प्राविधिक तथा आर्थिक सल्लाह

बाढीपहिरोबाट जोगिन

- जथाभावी सडक निर्माण र वन विनाशले बाढीपहिरो निम्त्याउँछ ।
- वृक्षारोपण गरौं, वनजंगल जोगाऔं, बाढीपहिरो नियन्त्रण गरौं ।
- पहिरोको जोखिम भएका क्षेत्र तथा नदी किनारमा रुख, बाँस, निगालोजस्ता भु-क्षय रोक्ने खालका विरुवा रोपौं र संरक्षण गरौं ।
- आफ्नो बस्ती तथा समुदायको रक्षा गरौं ।
- बाढी तथा पहिरो गएको सूचना तल्लो तटीय क्षेत्रमा दिऔं ।
- आफु पनि बचौं अरुलाई पनि बचाऔं ।



नेपाल सरकार विज्ञापन बोर्ड

दीन, दुखी व असहायपिन्त निःशुल्क स्वास्थ्य सेवा प्रदान ।
दानी, सुखी व सम्पन्नयात सशुल्क स्वास्थ्य सेवा वरदान ॥

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निम्ति, असहायपिन्त जक निःशुल्क

उपलब्ध सेवा

२४ सै घण्टा सेवा

गन्तविका

घरिच सेवा

जन्म सेवा

- आकस्मिक सेवा
- प्याथोलोजी
- एचएस-रे
- ई.सि.जी.
- इको
- वाकः पसः
- अन्तरंग सेवा
- मोतिबिन्दु
- जगत्तल सर्जरी
- उत्पाय, वजाय, जायः
- हाड जोर्नी लशा
- पिसाव तलीजा घट्थर बिना घिरघर
- सुटु लवन्
- प्याःशा लवन्
- बुरीलेजी
- विस्त्र लवन्
- तामा लवन्
- बाबा लवन्
- विस्त्र लवन्
- जन्मल लेडिसिन
- घर्त लवन् चैन लवन्
- लसक, लवन्, उपाः लवन्
- जन्मल हेल्थ चेकअप
- शङ्कराहड व तयुक्ते लवन्
- चिकित्सा मनोरोगविद परास्सदता सेवा
- हेरिङ्ग
- ईन्डोस्कोपी
- कोलोनोस्कोपी
- किड्कोथेरापी
- अल्ट्रासाउण्ड, कलर डप्लर व इको
- सुतेपेली स्तरका दन्त प्रयोगशाला

**२४ घण्टा
ईमरजेन्सी सेवा**

७०८ संगानाल मार्ग, छत्रपाटी, काठमाडौं, फोन : ४२१६१३८, ४२५७९११, ४२६६२२९, E-mail: cfclinic@mail.com.np, www.free-clinic.org.np